

議政平台玩完 攬炒派爆內訌

激進派賴「泛民大黨」不合作 政界籲續警惕相關人等是否違法

由攬炒派區議員主導、原本計劃昨日成立的所謂「香港公民議政平台」流產，聲稱由於不可能實現「團結不同勢力、超越黨派成見」的初衷，故決定解散，更將矛頭指向民主黨及公民黨這些「泛民黨派」不合作。民主黨其後發表聲明，稱對有關人等的說法感到「詫異」。多名政界人士昨日接受香港文匯報訪問時表示，「平台」臨時「縮沙」，明顯是懼怕香港國安法，但同時擔心無法向自己支持者交代，故拉「傳統泛民」落水；雙方的舉措皆為各自政治利益，而非「改邪歸正」，故呼籲各界必須繼續警惕相關人等是否有犯法行為。

●香港文匯報記者 鄭治祖

在攬炒派於立法會「鬧辭」後，一班攬炒派區議員密謀成立一個充滿「港獨」色彩的所謂「香港公民議政平台」，企圖組織一個新的「議政平台」向政府施壓，甚至謀奪管治權。其後，民主黨立法會前議員涂謹申稱，成立「平台」或成為DQ區議員的「藉口」。其後，公民黨區議員劉珈汶，民主黨區議員韓俊賢和周曉嵐，均先後退出有關的籌委會。

所謂「議政平台」籌委會昨日舉行記者會。出席的包括離島區議員梁國豪、元朗區議員王百羽、沙田區議員李志宏、油尖旺區議員李俊然、荃灣區議員謝曼澤、黃大仙區議員岑宇軒、九龍城區議員李軒朗、葵青區議會副主席張文龍及深水埗區議員黃傑朗，但就不設答問環節。

他們在記者會上不點名批評有「泛民主派政黨」高層發表「割席」言論。基於「平台」已不可能實現「團結不同勢力、超越黨派成見」的初衷，更動搖市民對平台信心，故「平台」的籌備工作「被迫立即中止」，而籌委會亦即日解散。

籌委會更將槍頭指向傳統攬炒派，指他們再三邀約部分傳統攬炒派，獲得回覆卻是「暫不討論」，令整件事寸步難行，陷入僵局，並指直到有報道指政府有意DQ攬炒派區議員後，部分傳統攬炒派的高層即時公開發表「割席」言論，認為此舉限制黨員參與平台的行為，又稱希望之後有人牽頭再重啟「平台」籌組工作。

民主黨昨晚發表聲明，稱對「平台」從沒有邀請政黨參與，只以區議員的個人身份組成，民主黨從沒有阻止黨員參與，對籌委會所謂的無法溝通一說表示詫異。公民黨並無就此公開回應，該黨主席梁家傑在接受傳媒訪問時僅稱：「他們的記者會也沒有問答環節，我為何要回應？」

「葵青區民主派議員」則發表聲明，稱他們「一直就平台的籌備有恒常的聯合會議溝通，但一直無從得知明

確的籌備進展；事前未得知平台籌委的聲明內容，亦未就聲明作出授權，並稱有關的聲明不能代表「葵青區民主派議員」。

葛珮帆：攬炒派無「團結」

民建聯立法會議員葛珮帆表示，該「平台」根本就是不斷打擦邊球，企圖擴大其政治影響力，圖獲取政治紅利，而現時明顯害怕犯法，「想要政治紅利又不願意付出代價，所以就『縮沙』。」

她指出，激進攬炒派一向都看不起傳統攬炒派，所以才会有此內訌，故意讓傳統攬炒派「食死貓」，顯示攬炒派根本沒有所謂「團結」。

王國興促要求區員宣誓

「23萬」監察召集人、工聯會立法會前議員王國興批評，傳統攬炒派及激進攬炒派根本就是一丘之貉，因為該「平台」具有「港獨」和「分裂國家」性質，抵觸了香港國安法，所以他們懼怕香港國安法就作鳥獸散。

他相信，即使現時「平台」解散，但不表示他們會「改邪歸正」，故公眾應密切留意他們的動向。他並提到，政府應要求區議員宣誓，因為他們有責任維護基本法、憲法和效忠香港特區。

陳學鋒諷設「平台」只為「糧支」

「議會監察」召集人陳學鋒表示，攬炒派成立該「平台」本身就是為了「糧支」。此前，民政事務局長徐英偉已明確指出這是「非法平台」，所以之前傳統攬炒派才會相繼退出，「但激進攬炒派不看大勢，繼續搞，現在臨陣『縮沙』，更拉傳統攬炒派落水當藉口。」

針對有關人等聲言，希望未來有人重新帶頭再搞「平台」，他批評已不欲勿施於人，「不要又是叫人衝，自己鬆。」

網民點睇

鬧激進攬炒派

- Carlos Au：驚唔可恥，但賴地硬就好難睇囉。
- Charles Chan：現代人所謂做嘢，就係打晒鑼話俾（男）人聽自己做緊嘢，最終什麼都有做到嘢。
- Lok Chow：傳統泛民呢個稻草人好好用咁嘅。
- Dante Ma：哦，又係「傳統民主派」的錯。總知錯就係人地（咗），明白晒。
- Chapman Cheng：點解需要傳統飯民先可以議政？唔係要迎難而上咩？

鬧傳統「飯民」

- K Square Lic：無傳統「民主黨派」，香港先有希望。
- Mei Ling Wong：如果「泛民」有用，香港就唔會廿幾年都一X樣！
- Wayne Peaceful Kent：從政就是為咗這份糧嗎？
- Wai Yi Yip：我哋二十五年票倉叫你哋唔好參加比較D（啲）啲！
- Ting Cheung：民主黨不羈係（條）民主既（嘅）對面。

兩邊都唔buy

- Peter Chan：烏合之眾，利益唔一致就內X。
- Chung Kwong Yip：香港的「泛民」就係這樣泛濫，自相殘殺。
- Rico Tse：都2021年，班本土派重（仲）期望可以同「泛民」合作爭取民主爭取未來？咁多年黎（嚟）「泛民」所作所為有眼見到咩？香港冇得救真係係該，班後生本土都變成「新泛民」。

●整理：香港文匯報記者 郭家好



●所謂「議政平台」籌委會舉行記者會，決定解散所謂「香港公民議政平台」，聲稱不可能實現「團結不同勢力、超越黨派成見」。



●網民製作恥笑激進攬炒派的圖片。網上圖片

「抗爭派」互片 網民寸爆「得把口」



貴圈真亂

為咗利益，攬炒派真係包都做得出。之前攬炒派區議員大鑼大鼓話要搞所謂「香港公民議政平台」，聲稱要成為香港最大區議員組織以及所謂「影子議會」，點知過咗幾日就有至少3名籌委突然宣告退出，仲要係傳統「飯民」公民黨同民主黨。好衰唔衰，嗰日呢個「平台」籌委會更宣布解散，當場流產，激進攬炒派更陰濕嘅係將所有波都射晒畀傳統「飯民」，話佢哋又唔合作又唔溝通。不過，有攬炒派就講明唔支持解散，仲大鬧支持解散嘅係垃圾，搞到滿地花生。

攬炒派中嘅「抗爭派」，將「平台」搞唔成嘅責任推晒落「傳統泛民」度。沙田區議員趙柱幫就話同「以保住議席為先」嘅傳統「飯民」想要「坦誠合作」真係非常困難。

伍健偉諷冇膽為保「糧支」

「獨人」周堅峰就聲稱，佢原來就係「平台」籌委會秘書，決定講出「驚天大秘密」，「『公民議政平台』夭折，最直接既（嘅）原因，就係民主黨公民黨兩大黨杯葛。再講得清楚啲，係兩大黨係（嘅）12月22日收到會DQ區議員既（嘅）風之後，驚到立即公開『割席』，仲de facto禁止黨員參與『平台』，先至令到『平台』最後一刻難產。」

不過，元朗區議員伍健偉就似乎將矛頭指返向「抗爭派」自己友：「唔夠吉士（膽）就認左（咗）佢啲，口號『抗爭』，『糧支』。」離島區議員王進洋更大鬧呢班自己友係「垃圾」，仲表明：「我講明先，我係



●趙柱幫稱想要與傳統「飯民」坦誠合作非常困難。fb截圖

有份表態決定議政平台要照攞（搞）。大是大非下，DQ咗DQ囉，無×左（咗）個議席又點，無左（咗）「泛民」自己唔攞（搞）得？今（昨）日嘅道歉，唔代表我。」

身為個「平台」籌委激進攬炒派區議員李軒朗就忍唔住發帖，攞伍健偉之前話fb一周內啲Like少過新界西立法會議員何君堯就會辭職然後走數，仲死撐話自己會將自己個page變成「議政平台」一事嘍寸佢：「講嘢，個page改名未呀？」

王進洋爆粗狂鬧梁國豪

「平台」籌委之一、離島區議員梁國豪更走去王進洋個page同對方開拖，寸佢咁咁不如自己搞一個：「你快d（啲）搞嘅，你咁勁！」王進洋即爆粗鬧返佢：「你都on×9，咁×多條戰線一定要攞（搞）議政平台架（啲）？就算我唔×勁，我都唔會屈×人，所以我對得住任何人。」梁國豪反唇相譏：「你咪係議會戰線囉呀王議員！」

原名葉鏗濠商業電台節目主持健吾亦借朋友嘅話嘍表達睇唔起激進攬炒派，「朋友A：其實好慘。初頭（激進攬炒派）係威係勢，個個想上位嘅坐第一排。今日人丁單薄，道歉就唔見影。」

最好笑嘅都係有網民將呢件事整咗張恥笑圖，由激進攬炒派嘅「寧化飛灰，不作浮塵。我哋為爭取自由民主奮鬥到底，不自由寧願死！」到「都係命仔要緊，政府限眾令真香！」暗諷佢哋一直以來講就威，做就衰。而今次攬炒派嘅自私自利、互相拆台嘅嘴臉，再次將佢哋醜陋展現得淋漓盡致。

●香港文匯報記者 郭家好

貼名當係自己派單 巫啟航「爭功」無品



貴圈真亂

攬炒派成日話政府有協助市民抗疫，又講到自己張羅到好多抗疫物資，好似想證明佢哋咁過政府多多聲咁，不過，元朗區議員巫啟航近日就畀人踢爆佢用印有自己名同相嘅貼紙，遮蓋原本貼有「元朗民政事務處致意」嘅口罩包，如果唔細心睇真係發現唔到，咁搞法唔怪得知部分市民以為攬炒派好叻啦！原來係搶咗政府嘅努力再扮係自己功績。

「元朗監察議會聯盟」近日喺facebook發帖，圖文並茂揭發巫啟航將印有自己名同相嘅貼紙，蓋住元朗民政事務處嘅標貼，並揶揄：「又要收政府著（着）數，

又怕俾（男）人知派政府口罩，用自己名貼紙遮蓋元朗民政事務處標貼，以為瞞天過海呢街坊，做議員為何做到咁無品！」

網民「Civic Hon Da」就形容巫啟航係「佔了便宜又賣乖嘅裝弟。」「陳惠清」更火滾：「區議會資源唔係唔可以作個人宣傳的嗎？真係無法無天！」「Vivian Lam」亦不滿道：「成日話政府有做嘢，最來（衰）係搶咗政府嘅份自己政績！cheap精中的極品！」

「元朗監察議會聯盟」召集人李月民近日就事件接受傳媒訪問時批評，話巫啟航左右逢源、毫無原則嘅行為完全符合攬炒派議員嘅性格，仲話巫啟航今次攞民政處嘅口罩做個人宣傳，理應折回現金賠返錢嚟。

●香港文匯報記者 雨航



●巫啟航被踢爆將元朗民政事務處派市民嘅口罩當係自己搵返嚟。fb截圖

政府人員協會支持 公僕宣誓或簽聲明

香港文匯報訊（記者 鄭治祖）特區政府即將安排所有現職公務員宣誓或簽署聲明，確認擁護基本法及效忠香港特區。政府人員協會昨日致函公務員事務局局長聶德權，表示支持特區政府的安排，認為安排符合香港國安法及《公務員守則》的要求，並可向其他公職人員起帶頭示範作用。

該會在信中表示，為全體現職公務員安排宣誓是一項成本相對合理、有效的行政措施，能具體

地展示公務員隊伍擁護基本法及效忠香港特區，亦符合公務員須遵守基本法和《公務員守則》的精神。近日，外界正質疑公務員隊伍對特區政府的忠誠度，故是次宣誓安排對維護整體公務員利益極具意義。

該會表示，對任何拒絕宣誓或簽署聲明的公務員，政府應按既定程序處理，給予相關公務員充分的申述機會，而任何跟進亦必須嚴格遵守《公務員守則》和僱傭合約精神。